



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. I. Quando lis dicatur pendere, & quomodo intelligenda sit regula illa, lite
pendente nihil esse innovandum?

[urn:nbn:de:hbz:466:1-61641](#)

TITULUS XVI.

UT LITE PENDETTE NIHIL INNOVETUR.

§. I.

*Quando lis dicatur pendere, &
quomodo intelligenda sit regula illa,
lite pendente nihil esse
innovandum?*

Lis in ordine ad hujus tituli finem, ut nihil scilicet iuuetur, per quod litis pendentes qualitas, statu'sve cauæ, in præjudicium alterutrius litigantis immutetur, pendere dicitur, postquam citatio à judice competente (quāvis hic per oppositam exceptionem ut suspectus v. g. elidi posse) emanavit, ac ad partem citatam pervenit, vel per hanc stetit, quod minus citatio ad eam perveniret) quia per quem stat, ne citatio ad se perveniat, habetur pro citato) dummodo in citatione ea sint expressa, per quæ plenè reus citatus potest instrui, super quibus in judicio conveniatur. *Clement. Cum lise 2. b. t.* Et hinc lis pendente dicitur à citatione usque ad sententiam definitivam, si ab hac non fuit appellatrum, nec in rem iudicatam transit, & per sententiam interlocutoriam lis finita non censetur, nisi iudex pronuntiet, competentem se iudicem non esse.

§. II.

*De pluribus casibus in specie, in
quibus nihil est innovandum, lite
pendente.*

Ex c. *Memoria. 1. b. t.* patet, quod rescriptum, pendente lite in præjudi-

cium possessoris litigantis imperatum, nullum sit, & subreptitium, nisi litis pendentes mentio fuerit facta, cum de Principe aut Papa præsumi non possit, quod rescriptum concedere voluerit in præjudicium legitimi possessoris, prout etiam sumitur ex c. *Dilectio 5. b. t.* & habetur etiam in c. *Causam 19. juncta Glossa. De testibus.* Et si lex juris communis de novo emanans non extenditur ad causam litis jam motæ, sive pendentis, absq; speciali mentione, multò minus absque expressa mentione speciale rescriptum ita extendendum est, tanquam odiosum, & à communi jure exorbitans, quamvis motu proprio concessum esset.

Secundò, Ex c. *Landabilem 2. b. t.* patet, quod conjux ab altero conuge ad separationem thori accusatus, non debet à iudice, pendente lite, possessione sui conjugis privati, donec crimen de eo legitimè probatum sit, cum non debet sine culpa jure suo privati.

Tertiò, ex c. *Ecclesia 3. & 4. b. t.* habetur, quod res litigiosa, super qua inter actorem & reum lis penderit, extra casus à jure permisso, de quibus *Glossa in cie. c. 3. V. Litigiosi b. t.* pendente lite, alienari non debet, nec possit (ut ne durior conditio parti litiganti imponatur) & si alienata talis res fuerit, ac recuperari non possit, qui alienavit, rem aliam æquivalentem in ejus locum substituere debet, quæ & ipsa, pendente lite alienari non possit.